

- a) specijalnim policijskim zadacima koji će se izvršavati u civilnoj odjeći, specijalnoj policijskoj odjeći i sa specijalnom opremom (član 5. stav (3));
- b) načinu obrade osobnih podataka (član 33. stav (2)).

Član 135.

(Prekid radnog odnosa)

- (1) U skladu sa međunarodnim obavezama Bosne i Hercegovine, nijedna osoba ni pod kojim okolnostima ne može biti u radnom odnosu po osnovu ovog Zakona, ako joj je IPTF ukinuo ovlaštenje za vršenje policijskih ovlasti.
- (2) U skladu sa međunarodnim obavezama Bosne i Hercegovine i pored osnova koji su propisani ovim Zakonom u pogledu prekida radnog odnosa policijskog službenika, radni odnos policijskog službenika se prekida i ne produžuje se ni u kom obliku, niti na bilo koji način i ni pod kojim okolnostima, ako je tom policijskom službeniku IPTF odbio certifikaciju, odnosno ako mu je IPTF ukinuo ovlaštenje za vršenje policijskih ovlasti.

Član 136.

(Policijski službenici koji su imenovani na javnu funkciju prije stupanja na snagu ovog Zakona)

- (1) Izuzetno od člana 38. ovog Zakona, osoba koja je na dan stupanja na snagu ovog Zakona vršila javnu funkciju na koju je izabrana može u roku od 30 dana od isteka ili prekida mandata na toj funkciji ponovo stupiti u policijski organ kao policijski službenik, ako ispunjava sljedeće uvjete:
- a) da je bila zaposlena kao policijski službenik u policijskom organu neposredno prije nego što je bila izabrana na funkciju;
- b) da ju je registrirao IPTF kao policijskog službenika;
- c) da se na nju ne odnosi član 135. ovog Zakona.
- (2) Osobe iz stava (1) ovog člana po povratku u policijski organ kao policijski službenici dobijaju čin u skladu sa odredbama člana 128. ovog Zakona.

Član 137.

(Prestanak važenja ranijeg zakonodavstva)

- (1) Danom stupanja na snagu ovog Zakona prestaju da važe odredbe zakona i drugih propisa kojima se uređuju pitanja propisana ovim Zakonom.
- (2) Izuzetno od stava (1) ovog člana i do donošenja odgovarajućih propisa navedenih u ovom Zakonu a najduže u trajanju od tri (3) mjeseca od dana stupanja na snagu ovog Zakona, policijski organ može i dalje primjenjivati propise iz stava (1) ovog člana u mjeri u kojoj nisu u suprotnosti sa ovim Zakonom.

Član 138.

(Raniji disciplinski postupci)

- (1) Nakon stupanja na snagu ovog Zakona svi disciplinski predmeti koji su bili u postupku rješavanja pred disciplinskim organom nadležnim za njihovo rješavanje, prema ranije važećim zakonima i propisima, rješavat će se u skladu sa zakonima i propisima koji su važili u vrijeme podnošenja zahtjeva za pokretanje postupka u navedenom disciplinskom organu.
- (2) Svi predmeti koji su u postupku rješavanja pred organizacionom jedinicom nadležnom za unutrašnju kontrolu na dan stupanja na snagu ovog Zakona rješavat će se u skladu sa ovim Zakonom.
- (3) Svaka osoba se smatra nevinom za disciplinski prekršaj zbog učinjenog djela ili propusta, ako to djelo ili propust nije predstavljalo disciplinski prekršaj u vrijeme kada je bilo učinjeno i toj osobi se neće izreći sankcija teža od one koja je bila propisana u vrijeme kada je taj disciplinski prekršaj učinjen.

Član 139.

(Stupanje na snagu)

Ovaj Zakon stupa na snagu osmog dana od dana objavljivanja u "Službenim novinama Zeničko-dobojskog kantona".

Broj: 01-02-14790/06

PREDSJEDAVALAČI

Zenica, 07.07.2006. godine

Besim Spahić, s.r.

217

Na osnovu člana 37. tačka f) Ustava Zeničko-dobojskog kantona, Skupština Zeničko-dobojskog kantona na 44. sjednici održanoj 06.07.2006. godine, d o n o s i

O D L U K U

o smanjenju kamatne stope na kredite za stambenu izgradnju odobrene pripadnicima branilačke populacije

Član 1.

(Predmet Odluke)

Ovom Odlukom vrši se smanjivanje kamatne stope na kredite za stambenu izgradnju, odobrene pripadnicima branilačke populacije po osnovu Odluke o kreditiranju stambene izgradnje ("Službene novine Zeničko-dobojskog kantona", broj: 13/00) i Odluke o kreditiranju stambene izgradnje ("Službene novine Zeničko-dobojskog kantona", broj: 6/01 i 5/02), te utvrđuju uvjeti, način i postupak za ostvarivanje prava po ovoj Odluci.

Član 2.

(Kamatna stopa)

Kamatna stopa na kredite odobrene u skladu sa propisima iz člana 1. ove Odluke pripadnicima

branilačke populacije (u daljem tekstu: korisnici kredita), utvrđena u visini od: LIBOR +2% na godišnjem nivou, s tim da kamata ne može biti manja od 6% na godišnjem novou, smanjuje se i iznosi: ukupno 2% na godišnjem nivou.

Član 3.

(Korisnici prava po Odluci)

Korisnici prava na smanjenje kamatne stope po ovoj Odluci su korisnici kredita:

- a) ratni vojni invalidi, dobitnici ratnih priznanja ili odlikovanja, demobilizirani branioči, članovi porodica šehida, poginulog, umrlog i nestalog branioca i umrlog ratnog vojnog invalida, članovi uže porodice poginulog, umrlog ili nestalog dobitnika ratnog priznanja ili odlikovanja;
- b) članovi porodice umrlih lica iz tačke a) ovog člana, koji su preuzeli otplatu kredita.

Član 4.

(Definicije)

- (1) Ratni vojni invalid, u smislu ove Odluke, je branilac kojem je to svojstvo utvrđeno rješenjem nadležnog organa i u skladu sa važećim federalnim propisima iz oblasti branilačko-invalidske zaštite,
- (2) Član porodice šehida, poginulog, umrlog, nestalog branioca i umrlog ratnog vojnog invalida, u smislu ove Odluke, je korisnik prava na porodičnu invalidninu, na osnovu rješenja nadležnog organa, izdatog u skladu sa važećim federalnim propisima iz oblasti branilačko-invalidske zaštite.
- (3) Dobitnik ratnog priznanja ili odlikovanja i član uže porodice poginulog, umrlog ili nestalog dobitnika ratnog priznanja ili odlikovanja, u smislu ove Odluke je korisnik prava na mjesečni novčani dodatak, na osnovu rješenja nadležnog organa, u skladu sa važećim federalnim propisima iz oblasti branilačko-invalidske zaštite.
- (4) Demobilizirani branilac, u smislu ove Odluke, je lice koje je kao učesnik rata u sastavu Oružanih snaga provelo najmanje jednu godinu neprekidno u periodu od 20.06.1992. godine do 23.12.1995. godine.
- (5) Pojmovi i definicije iz ove Odluke: ratni vojni invalid; član porodice šehida, poginulog, umrlog, nestalog branioca i umrlog ratnog vojnog invalida; dobitnik ratnog priznanja ili odlikovanja i član uže porodice poginulog, umrlog ili nestalog dobitnika ratnog priznanja ili odlikovanja, upotrijebljeni su u skladu sa odredbama Zakona o pravima branilaca i članova njihovih porodica ("Službene novine Federacije Bosne i Hercegovine", broj: 33/04 i 56/05) i Zakona o posebnim pravima dobitnika ratnih priznanja i odlikovanja i članova njihovih porodica ("Službene novine Federacije BiH", broj: 70/05).

Član 5.

(Dokazivanje statusa)

U postupku ostvarivanja prava po ovoj Odluci, korisnici kredita svoj status dokazuju rješenjem

nadležnog organa o priznavanju svojstva ratnog vojnog invalida odnosno člana porodice šehida, poginulog, umrlog, nestalog branioca ili umrlog ratnog vojnog invalida, o priznavanju prava na mjesečni novčani dodatak za dobitnike ratnih priznanja i odlikovanja i članove uže porodice poginulog, umrlog ili nestalog dobitnika ratnog priznanja ili odlikovanja, te uvjerenjem nadležnog organa o periodu učesća u Oružanim snagama, izdatog u skladu sa Zakonom o upravnom postupku ("Službene novine FBiH", broj: 2/98 i 48/99).

Član 6.

(Postupak ostvarivanja prava)

- (1) Pravo na smanjenje kamatne stope korisnik kredita ostvaruje podnošenjem zahtjeva poslovnoj banci putem koje se vrši realizacija kredita.
- (2) Uz zahtjev korisnik kredita prilaže popunjeni obrazac, ovjeren od strane općinske službe nadležne za poslove branilačko-invalidske zaštite, prema mjestu prebivališta korisnika kredita ili putem koje ostvaruje prava iz branilačko-invalidske zaštite (u daljem tekstu: nadležna općinska služba).
- (3) Ovjeru obrasca iz prethodnog stava nadležna općinska služba vrši nakon izvršenog uvida u podnesene dokaze o ispunjavanju uvjeta za ostvarivanje prava po ovoj Odluci.
- (4) Sadržaj i formu obrasca iz stava (2) ovog člana, propisat će ministar za boračka pitanja u roku od trideset dana od dana stupanja na snagu ove Odluke.

Član 7.

(Obaveze poslovne banke)

- (1) Poslovna banka kojoj je dostavljen zahtjev korisnika kredita na smanjenje kamatne stope po ovoj Odluci, sa priloženim ovjerenim obrascem nadležne općinske službe, vrši izmjenu ugovora o kreditiranju zaključenog sa korisnikom kredita u dijelu koji se odnosi na kamatnu stopu po odobrenom kreditu.
- (2) O smanjenju kamatne stope korisniku kredita, banka obavještava Ministarstvo za boračka pitanja u roku od osam dana od dana izvršene izmjene ugovora o kreditiranju.
- (3) Ovu odluku poslovne banke će primjenjivati na kreditne obaveze korisnika kredita iz člana 3. ove Odluke, a koje nisu dospjele za plaćanje prema otplatnom planu na dan stupanja na snagu ove Odluke. (26.07.2006 god.)

Član 8.

(Stupanje na snagu i objavljivanje Odluke)

Odluka stupa na snagu narednog dana od dana objavljivanja u "Službenim novinama Zeničko-dobojskog kantona".

Broj: 01-14-14791/06
07.07.2006.godine
Zenica

PREDSJEDAVAJUĆI
Besim Spahić, s.r.

.....